

ՀԱՅՈՑ ՄԻՋՆԱԴԱՐՑԱՆ ՀԱՄԱԼՍԱՐԱՆԸ

ԱՐՏԱՇԵՍ ՄԱԹԵՎՈՍՅԱՆ

Գլաձորի համալսարանը Հայաստանի միջնադարյան բարձրագույն դրոշմները՝ վարդապետարանների, շարունակական շրջալի մի հզոր օղակն է, որը բարձրագույն կրթությունը հասցրեց նոր մակարդակի: Այն իր ընդհանուր մշակութային, ուսումնագիտական, ազգային և հասարակական-քաղաքական եռանդուն գործունեությամբ խոր հետք է թողել հայ իրականության մեջ ամենից առաջ իր ժողովրդին ամենանվեր ծառայելու նպատակադրվածությամբ, ծավալած մանկավարժական վիթխարի և համարձակ գործունեությամբ, որի համար էլ հայ իրականության մեջ առաջինը կոչվեց համալսարան:

Վարդապետական ուսուցումը հայոց մեջ սկիզբ է առնում մեծ լուսավորիչներ Մեսրոպ Մաշտոցից և Սահակ Պարթևից: Մաների վկայությամբ Գլաձորի համալսարանում «նորոգեցաւ զաստիճան վարդապետութեան լուսաւորչացն մերոց»¹, «վերստին ուղղեաց և դարձեալ նորոգեցաւ զկարգս վարդապետական եղանակաց»²:

Վաղարշապատում առաջին հայագիր-հայալեզու դպրոցը բացվելուց հետո հիմնվում է կենտրոնական վարժարան, ուր աշակերտներից ընդունակները ձեռք բերելով ուրիշներին սովորեցնելու հմտություն, ուղարկվում էին Հայաստանի տարբեր կողմերում ուսուցանելու³: Հայաստանի մեջ գոյություն ունեցող միակ բարձրագույն ուսումնարանը, Վաղարշապատի մայր վարժարանը, զոր Վոսմշապուհ կհովանավորեր և ուր Սահակ և Մաշտոց անձամբ կդասախոսեին, գրեթե ոչնչով կտարբերեր հունական բարձրագույն դպրոցներին, վասն զի հոն ալ կդասախոսվեին աստվածաշունչը կազմող գրոց ուսումնն զաս, քրիստոնյա դաստիարակության անհրաժեշտ դատված գիտությունները, որոնք էին Քերականությունը, Հեռտորությունը և Տրամասությունը (դիալեկտիկա):

Այս էր ժամանակին ուսմանց ծրագիրը», — եզրակացնում է Ա. Ալպոյաճյանը⁴: Եռյակ գիտությունները ծրագրում ամրապնդվելուց հետո Դավիթ Անհաղթն առաջադրեց քառյակ գիտությունների՝ Թվաբանության, երաժշտության, երկրաչափության և աստղաբաշխության ներդրումը ուսումնակրթական ծրագրում որպես բարձրագույն կրթության հիմք⁵: Այն ինչ առաջադրում էր Դավիթ Անհաղթը, մարմնավորեց Անանիա Շիրակացին՝ VII դ. երկրորդ կեսի սկզբներին: Նա դրեց «Քննիկոն» համայնագիտական դասագիրքը որպես բարձրագույն կրթության հիմք: Ի դեպ, Արևմտյան Եվրոպայում ևս քառյակ գիտությունները VI—XV դդ. բարձրագույն կրթության հիմքն էին: Ինչպես Դավիթ Անհաղթը, այնպես էլ Անանիա Շիրակացին իրենց տեսությունն ու ծրագրյալը կառուցում էին հին հունական փիլիսոփայության և դպրոցական ծրագրերի հիման վրա, այն քաղելով ոչ թե Արևմտյան Եվրոպայից, այլ անմիջապես հունական միջավայրից՝ հարմարեցնելով և ծառայեցնելով հայ իրականությանը⁶: XI դարասկզբին Գրիգոր Մագիստրոսը Պետրոս կաթողիկոսից խնդրելով Ա. Շիրակացու «Քննիկոնից» մի օրինակ, այն գնում է Սանահնի իր ճեմա-

1 Մ. Մաշտոցի անվան մատենադարան (այսուհետև՝ Մատենադարան), ձեռ. № 4517, էջ 372ա:

2 «Արձագանք», 1888, № 10, էջ 130—131:

3 Կորյուն, Վարք Մաշտոցի, Երևան, 1941, էջ 58:

4 Ա. Ալպոյաճյան, Պատմություն հայ դպրոցի, Կահիրե, 1946, էջ 72:

5 Դավիթ Անհաղթ, Սահմանք իմաստասիրության, Երևան, 1960, էջ 126—134:

6 Ա. Մաթևոսյան, Անանիա Շիրակացու «Քննիկոնը» (ՀՄՄՀ ԳԱ «Երաբեր», 1974, № 7, էջ 66—78, № 8, էջ 71—81):

րանի ուսուցման հիմքում, որը հանձնարարում է նաև Անիի Պետրոս կաթողիկոսի բարձրագույն դպրոցին⁷։

Վարդապետական ծրագիրն ավելի խորացվեց Անիի և Հաղբատի վարդապետարաններում Նովհաննես Սարկավագի ձեռքով՝ XI դ. վերջին և XII դ. սկզբներին։ Քառյակ արվեստի արմատավորման հետ միասին նա կարգավորում է նաև սուրբ Գրքի դասավանդող մասերը։ Հետագա տարիներին դասընթացի մեջ է մուծվում Աբասի որդի Գրիգորի Պատճառաց գիրքը, ապա այն կատարելագործվում է Մխիթար Գոշի վարդապետարանում, Վանականի՝ խորանշատի, Վարդան Արևելցու՝ խոր վիրապի բարձրագույն դպրոցներում։ Վերջինս իր դպրոցի համար շարադրում է հայոց պատմություն, աշխարհագրություն, քերականություն, մեկնում Հնգեմատյանը, Սաղմոսները, Նրգ երգոցը և այլն։ Վարդանի մահից հետո (1271 թ.) դպրոցը տեղափոխվեց նոր րաբունապետ Ներսես Մշեցու հայրենիք՝ Մշո Առաքելոց վանք, ուր գոյատևեց մի տասնամյակից ավելի։

Հիշատակված բարձրագույն դպրոցների կողքին գործում էին նաև մեծ ու փոքր այլ վարդապետարաններ, ինչպես բուն Հայաստանի, այնպես էլ Կիլիկիան հայրկան պետության տարբեր վանքերում, որոնցում ուսուցումը տարվում էր նույն ծրագրով, որը, սակայն, հարմարեցվում էր վարդապետարանի մասնագիտական թեքմանը և ուսուցման տեղությունը։ Այդ դպրոցներում ևս մշակվում, հարստացվում էր վարդապետական ծրագիրը։ «Մեր մեջ վարդապետական ուսումը կրոնական կարգին հետ կապված չէր, — գրում է Ա. Ալպոյաճյանը, ...վարդապետական ուսումը ...կավանդվիր քահանայական ձեռնադրույթներին հետո և վարդապետական աստիճանի սյուլությունը բոլորովին անկախ էր կրոնական աստիճաններին... և միշտ ավելի բարձր տիտղոս մը կը համարվեր... իբր գիտութեան և հմտութեան աստիճան»⁸։ Միջնադարյան Հայաստանում «դպրոցը վարդապետի անձի հետ էր կապված, երբեմն և անկախ հոգևոր իշխանության կամ նվիրապետության կողմից»⁹, — լրացնում է Գ. Հովսեփյանը։ Վարդապետարաններն անկախ էին եպիսկոպոսների իշխանությունից և առանձին էին գործում՝ իրենց շրջանավարտներին այս ու այն կողմ ուսուցչություն ուղարկելով։ Այս հանգամանքը թեև եկեղեցական իշխանության տեսակետից անկարգապահություն էր, բայց առանց այդ անկախության նրանք անզոր կզանվեին «մաքառելու օտար հավատաորսներու կատարած ձեռնարկներուն դեմ և պիտի չկրնային պայքարիլ սեփական նախաձեռնությունամբ ընդդեմ այն օտարոտի ներարկումներուն, որոնք ոչ միայն հայ եկեղեցին, այլ նաև մեր լեզուն կաղճատեին և կապականեին», — գրում է Ա. Ալպոյաճյանը¹⁰։ Նա մեր վարդապետարանները համարում է «մեր իմացական կյանքին վառարանները և հայ քաղաքակրթության պահպանները»¹¹։ «Մեր իմացական կյանքի վառարաններից» կատարյալ կազմակերպված և տեական հաստատություն՝ Գլաձորի համալսարանի և մյուս համալսարանների անկախ, գիտական-մանկավարժական, հասարակական-քաղաքական գործունեությունը Ներսես Մշեցու, Եսայի Նշեցու, Դավիթ Նորավանեցու, Տիրատուր Կիլիկեցու, Հովհան Որոտնեցու, Սարգիս Ապրակունեցու, Գրիգոր Տաթևավացու րաբունապետությունամբ, և մի քանի տասնյակ շրջանավարտների հիմնած դպրոցների առկայությունը դրա վառ ապացույցն են։

Գլաձորի համալսարանի հիմնադրումը կապված է Հայոց վարդապետարանի նոր րաբունապետ Ներսես Մշեցու անվան հետ։ Ինչպես Գլաձորի համալսարանի, այնպես էլ մեր մյուս դպրոցների պատմության ուսումնասիրության

7 «Գրիգոր Մագիստրոսի թղթերը», Ալեքսանդրապոլ, 1908, էջ 9—10, հմմտ. Ա. Մաթևոսյան, Նորից «Քննիկոնի» մասին («Պատմա-բանասիրական հանդես», 1981, № 2, էջ 223—239)։

8 Ա. Ալպոյաճյան, նշվ. աշխ., էջ 276։

9 Գ. Հովսեփյան, Խաղաղականը կամ Պոռշյանը Հայոց պատմության մեջ, Անթիլիաս, 1969, էջ 254։

10 Ա. Ալպոյաճյան, նշվ. աշխ., էջ 275—276։

11 Նույն տեղում, էջ 275։

հիմնական աղբյուրը ձեռագրերն են ու դրանց հիշատակարանները, որոնք գրված են տեղում սովորող աշակերտների կամ դասատուների ձեռքով և եղել են ուսումնական հիմնական ձեռնարկներ:

Ներսես Մշեցի րաբունապետը հունական կրթություն ուներ, լավ գիտեր հունարեն, լատիներեն և գնահատում էր նրանց դպրության հնությունն ու կարևորությունը: Այս հանգամանքը հետագայում իր դրոշմն է դնում ներսես Մշեցու և նրան հաջորդող ու նրան աշակերտած Ծսայի Նշեցու մանկավարժական-կազմակերպական աշխատանքների վրա. նրանց դպրոցը կոչվում էր «երկրորդ Աթենք», որտեղ ուսուցումը տարվում էր քսուռ էլլադական սահման պայմանի»¹²: Ուսումնակրթական գործին զուգընթաց, ներսես Մշեցին ընդօրինակել է տալիս վարդապետական ծրագիրը կատարելագործելու համար անհրաժեշտ երկեր ու ձեռագրեր, 1282 թ. Ստեփանոս գրիչը ներսեսի համար ավարտում է մի ձեռագիր, որը սրբագրում է Ծսայի Նշեցին: Գրչության վայրը չկա, բայց հիշվում է աղՄովսէս բեմբական, որ ամենայն մարմնատր հանդրատեամբ սպասատրեաց մեղ»¹³: Նշանակում է Ստեփանոս գրիչը, պատվիրող ներսես վարդապետը և սրբագրող Ծսային այլևս իրենց սեփական հարկի տակ, այսինքն՝ Առաքելոց վանքում չէին, այլ մի ուրիշ վանքում, որի սպասավոր հոգևորական Մովսեսը հոգում է նրանց մարմնավոր հոգսերը, նրանց սպասավորում իր վանքում: Մեկ այլ՝ 1283 թ. սկսած և 1284 թ. ավարտած ձեռագրի հիշատակարանում Մատթեոս Կիլիկեցին Աղբերց վանքը հիշում է որպես ներսես րաբունապետի դպրոցի ապաստարան:

«Որոյ եկեալ յայս գաւառի,
Որում անուն Վայձոր կոչի,
Հուպ ի շիրիմըն Սիւնեցի,
Ի յԱղբերց վանս մենաստանի,
Յերկրորդ Աթէնս պանծալի,
Առ ոտս հար մեր ներսէսի»¹⁴:

Նշանակում է 1282 թ. գարնանը ներսես Մշեցին իր դպրոցը հաստատում է Վայոց ձոր գավառի Աղբերց վանքում, որը հետագայում վերանվանվում է Գլաձորի վանք, իսկ վարդապետարանը՝ Գլաձորի համալսարան: Վայոց ձորի Աղբերց վանքի անմիջական տեղերը Պոռչյաններն էին, Սյունյաց աշխարհի ընդհանուր տեղերը՝ Օրբելյան իշխանները, իսկ հոգևոր տեղը՝ Սյունյաց մետրոպոլիտը: Ահա սրանք էլ հովանավորում էին Գլաձորի համալսարանը, կատարում շինություններ և ապահովում նրանց ապրելու անհրաժեշտ պահանջ-մունքները:

1283—1284 թթ. Աղբերց վանքում Մատթեոս քահանան ընդօրինակում է «Յովհաննու յայտնութեան» մեկնությունը, Սարգիսը՝ Ծվագրի խրատները, Ծսային սրբագրում է այդ ձեռագիրը, իսկ նկարիչ Մոմիկը գլխավարդ է նկարում¹⁵: Ծսային կազմում է նաև մի ժողովածու, ուր տրված էին համալսարանական ծրագրի նյութերի պատճառները, այսինքն՝ ստեղծման հանգամանքները: Այդ ժողովածուում Ծսային առաջին անգամ հիշվում է որպես վարդապետ: Ներսես Մշեցու մահից հետո ստանձնելով Գլաձորի համալսարանի րաբունապետությունը, Ծսայի Նշեցին (Սասնո գավառի Նիշ գյուղից) ավելի սերտ հարաբերություններ է ստեղծում Օրբելյանների հետ և ավելացնում համալսարանի նյութական հնարավորություններն ու շինարարական ձեռնարկումները: Շատանում են աշակերտները, բարձրանում է համալսարանի և նրա բոլորույնա-

¹² «Ժ Գարի հայրեն ձեռագրերի հիշատակարաններ», կազմեց Լ. Ս. Խաչիկյան (այսուհետև՝ «Ժ Գ. հիշատակարաններ»), Երևան, 1950, էջ 272:

¹³ Մատենադարան, ձեռ. Մ 49, էջ 338ա:

¹⁴ Հ. Տ ա շ յ ա ն, Մայր ցուցակ հայրեն ձեռագրաց մատենադարանին Մխիթարյանց ի վիճենա, Վիճենա. 1895, էջ 485բ:

¹⁵ Նույն տեղում:

պետի հեղինակությունը: Ուսումնական ծրագրի հագեցվածության համար, ձեռնարկումներին զուգընթաց, նա սկսում է ճակատել նաև Արևմուտքից եկող կաթոլիկական վտանգի դեմ և դեկավարել այդ պայքարը Սյունյաց մետրոպոլիտի հետ: Կիլիկիա՝ Գրիգոր Անավարդեցի կաթողիկոսին ուղարկված համախոսականի սակ նա ստորագրում է այսպես. «Ես Ծսայի կրտսեր քանապիրաց և յետին վարժապետ, իմով աշակերտօքս համախոհ եմ և միաբան եմ այսմ գրոց և վերոյգրեալ արանցս»¹⁶: Ուրեմն, Ծսայի Նչեցին արդեն իրեն այնքան ուժեղ էր պզում իր աշակերտներով, որ նրանց հետ միասին հանդես էր գալիս հանուն հայ ժողովրդի շահերի պաշտպանության, իսկ միաբարական շարժման հետևանքով եկեղեցական կարգերի ու ժամասացությունների մեջ առաջացած շփոթը հստակելու համար Արևելյան Հայաստանի վարդապետները և վանքերի առաջնորդները դիմում են Ծսայի Նչեցուն՝ նրանից իմանալու եկեղեցական կարգերի և ժամասացության ճշգրտությունը: Նչեցին պատասխանում է նրանց և հորդորում լինել հավատարիմ նախնիների ավանդներին:

Ի՞նչ էին դասավանդում Գլաձորի համալսարանում:

Գլաձորի վարդապետական ուսուցման կարգի և առարկաների մասին տեղեկություններ ստանում ենք այնտեղ գրված ձեռագրերի, մասնավորապես նսայի Նչեցու «Ոսկեփորիկի», մատենագրական գործերի ու ձեռագրական հիշատակարանների մեջ պահպանված ուղղակի հիշատակություններից, ինչպես նաև՝ շրջանավարտների հիմնած դպրոցների գործունեությունից: Կա, սակայն, մի ցանկ, որը լիակատար գաղափար է տալիս Գլաձորի ուսումնական ծրագրի սահմանների մասին: Դա Գլաձորի համալսարանի անմիջական շարունակություն հանդիսացող Որոտնավանքի և Տաթևի համալսարանում դասավանդված առարկաների ու գիտությունների թվարկումն է, որ բերում է այդ համալսարանի շրջանավարտներից մեկի՝ Թովմա Մեծոփեցու կենսագրի Կիրակոս քանապետը: Վերջինս, անդրադառնալով իր ուսուցչի ստացած վարդապետական կրթության ծավալին, գրում է. «...էր ամենայն առաքինութեամբ զարդարեսլ՝ տեսականան, գործնականան և գիտնականան, զի ուսեալ էր զերկոտասան մասունք իմաստասիրութեան. զքնաբանականն, զուսումնականն, զաստուածաբանականն և զբարոյականն, զտնտեսականն և զքաղաքականն, զթուականն, զբրաժշտականն, զերկրաչափականն և զաստղաբաշխականն, և զամենայն իմաստս հռեստորական հանճարոյ արտաքին փիլիսոփայութեան է (7) դրոց, որ է Քերականն, Սահմանքն, Պորփիրոն, Ստորգութիւնքն Արիստոտելին, Պերիարմենիասն, Աշխարհացն, Առաքինութեանցն, և զՀին և զՆոր կտակարանացն աստուածեղէն տառիցն 2 և Բ (72) գրոց, և Մ (50) նուրբ գրոց ղժուարիմաց և խրթին բառիք ծածկեալ աստուածազարդ և ուղղափառ սուրբ վարդապետաց, եւ զՄԱ (51) վիպասական պատմագրաց...»: «Մեր միջնադարյան վարդապետարանների ծրագիրն է այս»¹⁷,— գրում է Գ. Հովսեփյանը և ավելացնում՝ «Բացի յոթ իմաստասիրական գրքերից այդ ցուցակի մեջ են մտնում Նյուսացու, Աստվածաբանի, Բարսղի, Փիլոնի, Դիոնիսիոս Արիստագացու անվան հետ կապված որոշ գրքեր, որոնք «նրբեր» կամ «նուրբ գրանք» են կոչվում, Հին և Նոր կտակարանի «ԺԸ մեկնիչ՝ իննը Հին և իննը Նոր կտակարանից»¹⁸: Որ իսկապես Գլաձորում նույնպես սովորել են զերկոտասան մասունք իմաստասիրութեան», երևում է Ծսայի Նչեցուն նվիրված ներբողից, ուր ասված է.

«Թուով զակունս երկոտասան
Նւ զմարգարիտս անհասական,
Ամբարեալ ես ի շտեմարան,
Ով գերահրաշ վաճառական...»¹⁹,

16 Ս տ. Օրբելյան, Պատմություն տանն Սիսական, Թիֆլիս, 1910, էջ 462:

17 Գ. Հովսեփյան, Թովմա Մեծոփեցու կյանքը, Վաղարշապատ, 1914, էջ 1—2, ԺԳ:

18 Նույն տեղում:

19 Ղ. Ալիշան, Սիսական, Վենետիկ, 1893, էջ 135:

Վարդապետական ծրագիրն ընդգրկում էր աշխարհիկ և հոգևոր կրթությանը վերաբերող առարկաների մի ամբողջ համակարգ՝ Ուսանողները պարտավոր էին ուսումնառության 7—8 տարիների ընթացքում աստվածաբանություն սովորելուց բացի, տիրապետել «արտաքին», այսինքն՝ աշխարհիկ գիտություններին և արվեստներին: Դրանք կոչվում էին «աղատ արվեստներ» կամ գիտություններ և թվով յոթն էին: Առաջին երեքը՝ քերականությունը, ճարտասանությունը և տրամաբանությունը, կազմում էին եռյակ, մյուս չորսը՝ թվաբանությունը, երաժշտության սեսությունը, երկրաչափությունը և աստղաբաշխությունը քառյակ գիտություններ: Վերոհիշյալ առարկաները դաստիարակելու համար Գլաձորի համալսարանում օգտագործվել է ոչ քրիստոնյա, հեթանոս, անասիկ փիլիսոփաների և եկեղեցական հեղինակավոր գիտնականների աշխատություններն ու մեկնությունները: Եսայի Նչեցու «Ոսկեփորկի»²⁰ մեջ, ուր տրված է նուրբ զրոց պատճառների շարադրանքը, հանդիպում ենք նաև Ողիմպիանոսի առարկաներին. «Սակս աւերման Իլոնի և շինելոյ Հոռմա» և այլ վիպասական, առասպելական, պատմական հատվածներ:

Ուսումնառության շրջանն ավարտելուց հետո Գլաձորի համալսարանի շրջանավարտին շնորհվում էր վարդապետական ասպիճան, որը բարունապետության կողմից ղեկավարվող ու անցկացվող արարողություն է եղել և կրել է գիտական-պաշտոնական բնույթ: Շրջանավարտը պարտադիր կարգով քննություն է հանձնել իր անցած դասընթացից: Քննությունից դատ նրան հանձնարարվել է որևէ երկ՝ ավարտաճառ շարադրելու և պաշտպանելու համար: Պաշտպանությունն իրականացրել է համապատասխան հանձնաժողովը, որին ներկա են եղել րարուհիներ, արդեն պաշտպանած շրջանավարտներ, հրաբխիվում հոգևոր և աշխարհիկ իշխանությունների կայացուցիչներ և այլք: Գլաձորի համալսարանի ատենախոսությունները տեղի են ունեցել Գլաձորի վանքում, իսկ պսակագրողը եղել է համալսարանի րարունապետ և վանքի առաջնորդ Եսայի Նչեցին:

Գլաձորի սաներից Առաքել Հաղբատեցին, որը ավարտելուց հետո Թիֆլիսի հոգևոր դպրոցի րարունապետն էր, իր ուսուցչի գործունեության արդյունքն այսպես է ներկայացնում. «...թողով զաւակ ժառանգութեան բազում ի ծոցս եկեղեցոյ և ի հանդիսարանս վարժարանացնա: Ուրեմն, Գլաձորի համալսարանը պատրաստում էր եկեղեցու սպասավորներ և վարժարանների վարդապետներ, ուսուցիչներ, որոնք կոչվում էին րարուհիներ: Գլաձորի համալսարանում քահանայական աստիճան ունեցողներին ընդունելուց բացի, տեղում նույնպես պատրաստում էին քահանաներ, այսինքն՝ Գլաձորում կար և՛ քահանայական, և՛ վարդապետական լսարան, այստեղից էլ՝ համալսարան անվանումը: Վարդապետարանին ոչ միայն տեղի քահանայական լսարանն էր սաներ տալիս, այլև Գլաձորի շրջանավարտների դպրոցները: Դավիթ Գեակեցին այսպես է նկարագրում աշակերտներ հավաքելու Նչեցու գործունեությունը. «...ցուպ ի ձեռին առեալ, զտհասս և զանիմաստ համբակս ժողովէ ի փարախս իմաստութեան, ընդ որ եւ այժմ է տեսանել, զի ի բաղում զաւառաց կան ղեզերեալ առ պէտս վարժից եւ տէլէտս իմաստից, իսկ սա գործէ և կազմէ զխուպանացեալ անդաստանս իւրոց աշակերտեալ մանկանց, ի վեր բողբոջէ արս կատարեալս իւրով որոշմամբ և քաղցրուսոյց վարդապետութեամբ»²¹: Բազմաթիվ աշակերտների քահանայական և վարդապետական աստիճաններ շնորհելուց հետո ուղարկում էր իրենց գավառները. «Ի ծոցս եկեղեցոյ և ի հանդիսարանս վարժարանացն»:

Գլաձորի համալսարանի 360 աշակերտների Եսայի Նչեցին է վարդապետական աստիճան շնորհել: Եկեղեցու սպասավորներից քերի մասին տեղեկություն ունենք, քանի որ հիշատակարաններում նրանց քիչ ենք հանդիպում: Համալսարանի առաջին շրջանավարտներից է Ստեփանոս Օրբելյանը՝ Սյունյաց

²⁰ Մատենադարան, ձեռ. № 437:

²¹ Գ. Հովսեփյան, Խաղրակյանք կամ Պոռչյանք..., էջ 250:

եպիսկոպոսը՝ պատմիչ, բանաստեղծ, նրա հաջորդներ Հովհաննես Օրբելը, կրտսեր Ստեփանոսը, որոնք եկեղեցական նվիրապետական պաշտոնավարությունից զատ, բեղմնավոր մշակութային գործունեություն են ծավալել: Եկեղեցական գործիչ էր Կարապետ Տոսպեցին, որը հայրենասիրական եռանդուն գործունեություն է ծավալել Երուսաղեմում և Կիլիկիայում: Գլաձորի որոշ սաներ առանձին թեմերի առաջնորդներ էին: Իսկ ըստ ընդհանուր դպրոցների դեկլարելիս իրենց կապերը ամուր էին պահում «մայր իմաստից» համալսարանի, նրա ուսուցչապետների հետ ոչ միայն անհրաժեշտ ձեռնարկներ ընդորինակելու, այլև խորհրդակցելու, համապատասխան ցուցումներ ստանալու համար: Գլաձորի համալսարանն այդ կարգի կուսիրի մեջ էր նաև այն դպրոցների հետ, որոնք գոյություն ունեին մինչև նրա Վալոց ձորում հաստատվելը: Այդպիսիք էին Գրիգոր րաբունապետի՝ Բջնիի և Թեղենիքի դպրոցները, ինչպես նաև Վերին Նորավանքի դպրոցը, որի Դավիթ րաբունապետը Օրբելյանների կախկոպոսանիստ Նորավանքի առաջնորդն էր, իսկ հետո աշխատել է Գլաձորում: Դավիթը մահացել է 1329 թվականից առաջ և թաղվել Նորավանքում: Նրան փոխարինել է Գլաձորի սան Կյուրիոնը, որը հիշվում է մինչև 1240-ական թվականները:

Գլաձորի սաների հիմնած և նրանց ղեկավարած դպրոցներից են.

Մեծոփա վանքի դպրոց. Մխիթար Սասնեցի, համալսարանի առաջին սաներից էր: Նշեցու հանձնարարությունը շարադրել է մի ժողովածու՝ ուղղված միարարների դեմ: Նրան կաթողիկները ամբաստանում են Հոռմի պապի առջև:

Այրիձորի դպրոց. Հովհաննես Արճիշեցի, Մխիթար Սասնեցու դասընկերը Գլաձորում և գործակիցը Քաջբերունիքում: Գրել է պատարագի մեկնություն: Ստեփանոս Արճիշեցին նախորդների դասընկերն ու նրանց գործակիցն է: Սասնեցու աշակերտ Մկրտչի հետ գրել է Մխիթար Սասնեցու վարքը:

Կողբա վանքի դպրոց. Մատթեոս Մլիճեցի, աշխատել է Այրարատյան աշխարհի Կողբա ս. Մարի վանքում:

Թիֆլիսի դպրոց. Առաքել Հաղբատեցի, ավարտելով համալսարանը՝ ղեկավարել է Թիֆլիսի դպրոցը:

Հաղբատի դպրոց. Ավետիս Հաղբատեցի, համալսարանը ավարտելուց հետո վերադարձել է Հաղբատ ուսուցչություն:

Երզնկայի դպրոց. Կիրակոս Երզնկացի, նախասեփած էր Եսայի Նշեցուն փոխարինելու, սակայն վերադառնում է հայրենի գավառ և զբաղվում րաբունապետությամբ: Հովհաննես. Կիրակոսի եղբոր որդին, աշխատել է Երզնկայի դպրոցում՝ իր հորեղբոր հետ միասին:

Մայրատի դպրոց. Ավագ րաբունապետ, աշխատել է Ատրպատականում, Թիֆլիսում, ապա կարգվել Սայմաստի դպրոցի րաբունապետ:

Թեղենիքի դպրոց. Մկրտիչ Թեղենացի, քահանայական կրթությունն ստացել է Գրիգոր Բջնեցի րաբունապետի մոտ: Գլաձորի համալսարանում վարդապետական աստիճան և դասասելու իրավունք ստանալուց հետո վերադարձել է հայրենի Թեղենիք և կարգվել սեղի դպրոցի րաբունապետ:

Կիլիկիայի Զորովանքի դպրոց. Վաղդան Կիլիկեցի, սովորել է Կիլիկիայի Ակների վանքի դպրոցում, Հովհաննես Արքանդրայր րաբունապետի մոտ: Վերջինիս մահից հետո (1289 թ.) Գլաձորի համալսարանում վարդապետական աստիճան ստանալով, վերադառնում է Կիլիկիա, Ակների մոտակայքի Զորովանքում զբաղվում գրչությամբ և ուսուցչությամբ:

Քոնայի դպրոց. Հովհաննես Քոնեցի, ավարտելով Գլաձորի համալսարանը, 1328 թ. նշանակվում է Երնջակի շրջանի հոգևոր առաջնորդ, ապա տարվելով կաթողիկական գաղափարներով, դառնում է միարարների առաջնորդ և Քոնայի իր դպրոցում թարգմանում է ունիթորական գրականություն ու տարածում նրանց գաղափարները:

Մորձորի դպրոց. Հովհաննես Մորձորեցի, ծնվել է Երզնկայում, ավարտել է Գլաձորի համալսարանը և աշխատել է Արտազի Մորձոր վանքում, որտեղից է Մորձորեցի մականունը: Բարունապետ էր, թարգմանիչ, մատենագիր:

Տարոնի դպրոց. ներսես Տարոնացի, Առաքելոց վանքից: Ավարտելով Գլա-
ծորի համալսարանը, հարում է միարարնեբին և աշխատում Տարոնի Առսրե-
լոց վանքում:

1338 թ. մահանում է Ծսայի Նշեցին. Գ. Հովսեփյանի արտահայտությամբ՝
Ծսայի Նշեցու մահվամբ մեռնում է դպրոցը Գլաձորում: «Այս վանքի պատ-
մությունը տարօրինակ սկիզբ և վախճան ունի,— շարունակում է նա,— ան-
հայտությունից հանկարծ երևան է գալիս ԺԳ դարի ութսունական թվականի
սկզբում, իբրև Արևելյան Հայաստանի մտավոր կենտրոն, և հանկարծ շքա-
նում անհայտության մեջ ԺԴ դարի կեսին: Անորոշ է նույնիսկ տեղը»²²: Սա
ճիշտ է. վանքն անհայտ էր մինչև վարդապետարանի այնտեղ հաստատվելը և
անհայտացավ համալսարանի տեղափոխվելու հետ: Այս հանգամանքը ցույց
է տալիս, որ, հիրավի, Աղբերց վանքը եղել է Սյունիքի աննշան վանքերից մե-
կը: Սակայն այն, ինչ ասվեց Գլաձորի վանքի մասին, Գլաձորի համալսարա-
նին չի վերաբերում: Ծսայի Նշեցու համալսարանը շարունակութունն էր հա-
յոց նախորդ վարդապետարանների և «անհայտությունից հանկարծ երևան»
չեկավ, ոչ էլ «հանկարծ շքացավ անհայտության մեջ»՝ ինչպես կտեսնենք: Հա-
յոց միջնադարյան առաջին համալսարանին վիճակված էր անցնելու երկար
ճանապարհ, տարբեր ժամանակներում հաստատվելով տարբեր վանքերում՝
պահպանելով և հարստացնելով ստեղծված ավանդները թե՛ ուսուցման ու
դաստիարակության և թե՛ հասարակական-քաղաքական գործունեությունն աս-
պարեզներում: Գլաձորի համալսարանն այդպիսի ճակատագիր է ունեցել և
այդպես է ընկալվել դեռևս միջնադարում: Տաթևի համալսարանի րարունա-
պետներից Մատթեոս Զուղայեցին, Գրիգոր Տաթևացու մահից հետո (1410 թ.),
նրա վարքը շարադրելիս, գրում է. «Մեծ փիլիսոփայն Հայոց Յոհաննէս Որոտ-
նեցին... զկնի մահուանն իւր ետ հրաման (Գրիգոր Տաթևացուն—Ա. Մ.) նրա-
տել յաթառ մեծ համալսարանին Ծսայեայ և րարունապետ Հայոց Մեծաշք»²³:
Տաթևի համալսարանը շարունակութունն էր «մեծ համալսարանին Ծսայեայ»:

1338 թ. Գլաձորի համալսարանը երկրորդ րարունապետ Տիրատուր Կիլի-
կեցու գլխավորությամբ թողնում է Գլաձորի վանքը և հաստատվում վայոց
ձորի Հերմոնի վանքում, որը գտնվում էր Օրբելյանների սիրույթում: Անտա-
րակույս, դա կապված էր քաղաքական պայմանների փոփոխության հետ, ու-
րոնք տեղի էին ունենում Հայաստանում, մոնղոլական պետության վերջին
տարիներում: Այդ ժամանակ, իշխանական մյուս տոհմերի հետ, հալածվեցին
և աղքատացան նաև Պոռշյանները²⁴, համալսարանը կորցրեց հովանավորող
տներից մեկը, իսկ Ծսայի Նշեցու մահվամբ՝ նաև րարունապետին: 1338 թ.
Գլաձորի համալսարանի սան Գրիգորը ձեռագիր է ընդօրինակում «ի վանս
Հերմոնի, ի վարժապետութեան ընդհանուր Հայկազեանս սեռի, երջանկի, մեծի
և երիցս երանեալ հոտորի Տիրատուր առձայնելոյ, առ որ կամք դեղերեալ ի
վարժ կրթութեան, փափագելով բնական ստեանց սորա, որպէս մանուկ առ
մայր, և որպէս զաւակաւ ծնաւդ, որ սփոփէ ղկեանս մեր ըստ հոգւոյ և ըստ
մարմնոյ»²⁵: Տիրատուրը եկել էր Կիլիկիայի Մլիճի կամ Սկևռայի վանքից
1291 թ. նա ստանում է մի նարեկ²⁶, 1309 թ. Գլաձորում ընդօրինակում է մի Ա-
վետարան²⁷: 1321 թ. արդեն րարունի էր²⁸, իսկ 1337 թ. հիշվում է Ծսայի Նշե-

²² նույն տեղում, էջ 251:

²³ «Ժն դարի հայերեն ձեռագրերի հիշատակարաններ», կազմեց Ն. Ս. Խաչիկյան (այսուհետև՝
«Ժն հիշատակարաններ»), մասն Ա, Երևան, 1955, էջ 104 (ծՔ): Ընդգծումը մերն է—Ա. Մ.:

²⁴ Գ. Հովսեփյան, Խաղաղությանը կամ Պոռշյանը..., էջ 295—296.

²⁵ Ն. Պոգարյան, Մայր ցուցակ ձեռագրաց սրբոց Յակոբեան (այսուհետև՝ «Ցուցակ
Երուսաղեմի»), Կ. Գ. Երուսաղեմ, 1969, էջ 592:

²⁶ Բ. Կյուրկչյան, Ցուցակ ձեռագրաց Անկյուրիոն Կարմիր վանուց և շրջակայից,
Անթիլիաս, 1957, էջ 661—662:

²⁷ Մատենադարան, ձեռ. № 3393:

²⁸ «ԺԴ դ. հիշատակարաններ», էջ 174:

ցու հետ՝ որպես մեծ բաբունապետ, նրա աշակերտները ձեռագիր էին ընդօրինակում «...առ ոտս մեծ բաբունապետացն Յեսայի և Տիրատրոյ»²⁹:

Հերմոնի վանքում տեղավորված հայոց համալսարանի մասին շատ քիչ տեղեկություն ունենք: Այստեղի աչքի ընկնող սաներից էին հիշյալ Գրիգորը, Կիրակոսը և Հովհան Որոտնեցին: Վերջինս՝ 1337 թ. նշեցուց քահանայական աստիճան էր ստացել: Հերմոնի համալսարանի սաներից էին նաև Սարգիսը, հետագայում՝ Որոտնեցու գործակիցը, Սիմեոն Ուշտունցին, Վարդան Ճգնավորը և ուրիշներ: Սարգիս բաբունապետը 1369 թ. համալսարանի սաների մի մասի հետ տեղափոխվում է Երնջակի գավառի Ապրակունյաց վանք, միարարների գլխավոր կենտրոն Քոնստյի մոտ՝ նրանց դեմ ավելի մոտիկից պայքարելու համար: Սիմեոն Ուշտունցին 1350-ական թվականներից Մոկաց Սառի ս. Կեոբզ վանքի ղարոցի բաբունապետն էր: Վարդան Ճգնավորը՝ Յիսկավանքի ղարոցի բաբունապետը:

Հերմոնի վանքում համալսարանը գոյատևում է մինչև 1356 թ. և սեղափոխվում նոր բաբունապետ Հովհան Որոտնեցու հայրենի գավառ: Հովհան Որոտնեցին ծնվել է 1313 թ. Որոտան գավառի Վաղատին գյուղում, Սյունյաց իշխան Իվանի ընտանիքում: Ծնայի նշեցուց քահանայական աստիճան ստանալուց հետո Որոտնեցին Տիրատուր Կիլիկեցուց վարդապետական աստիճան է ստանում և կարգվում նրան օգնական, իսկ հետո փոխարինում է նրան որպես համալսարանի բաբունապետ: 1363 թ. նրա պատվերով Տփխիսում ընդօրինակվում է Հովհան Դամասկացու մատենագրությունը: Գրիչը նշում է, որ այն գրվել է. «...ի խնդրոյ տիեզերայոյս վարդապետին Յովանիսի, որո գաւառն և հայրենիքն Որոտն է»³⁰. իսկ մի այլ հիշատակագիր, հաղորդում է, որ նա «Երեսուն ամ պարապեալ ի դասատուութիւն, լուսատրելով զԱրևելեան երկիրն»: Սա նշանակում է, որ Որոտնեցին բաբունապետութունը սկսել է մահվանից երեսուն տարի առաջ (1386—30=1356 թ.): 1372 թ. Որոտնեցին հիշում է «զտիեզերայոս վարժապետն մեր զՏիրատուր, որ փայլէր ի ժամանակին իւրում իբրև զարեգակ ի մէջ աստեղաց»³¹: Համալսարանը Որոտնավանքում մնում է մինչև 1384 թ., երբ «թուրքն էառ դբերգն զՈրոտան և Կախիկ վարդապետն գնաց փախստական ի Մարալ...»³²: Երկու տարի համալսարանը թափառում է հայրենի երկրում. «մեք ընդ սուրբ և տիեզերահամբաւ և երանաշընորհ բաբունապետիս Հայաստանեաց և վերադիտողի տեանն Յովհաննու Որոտնեցալ կայք կարգալ և գրել ի համալսարան սորին... եկին և առին զբերդն Որոտան... և կամէին ձերբակալ առնել զսուրբ բաբունիս մեր վասն հայրենեացն ժառանգութեան...»³³: 1386 թ. Հովհաննու Որոտնեցին հաստատվում է Երնջակի Ապրակունյաց վանքում, և նույն թվականին մահանում: Այդ թվականին համալսարանի բաբունապետ է նշանակվում Գրիգոր Տաթևացին:

Որոտնեցու աշակերտներից Գևորգ Երզնկացին վերադառնում է հայրենի գավառ և Կապոսի վանքում ղարոց հիմնում, Հակոբը՝ Սաղմոսավանքում է ղարոց հիմնում, Հովհաննեսը՝ հայրենի Մեծոփավանքում, Գրիգոր Նլաթեցին՝ Սարգիս բաբունապետի ղարոցում, ապա Յիսկավանքում:

Գրիգոր Տաթևացին (Խութուշահ) ծնվել է 1344 թ. Վրաստանի Թմոզվի բերդավանքում, արճիշեցի Ամիր Սարգսի և փարպեցի Մարիամի ընտանիքում: Սովորել է Որոտնեցու համալսարանում և 1373 թ. վարդապետական աստիճան ստացել: Բաբունապետի մահից հետո ստանձնել ծնայու մեծ համալսարանի բաբունապետությունը՝ Ապրակունյաց վանքում, երկու տարի հետո տե-

29 Նույն տեղում:

30 «Յուցակ Երուսաղեմի», էջ 521:

31 Մատենադարան, ձեռ. № 5204, էջ 66բ: Ի գեպ, այս Որոտնեցուց մեզ հայտնի միակ ինքնագիրն է:

32 Նույն տեղում, ձեռ. № 7825, էջ 37:

33 Նույն տեղում, ձեռ. № 5707, էջ 485բ:

ղափոխվել է Տաթև և ծավալել ուսումնամանկավարժական, հասարակական-քաղաքական, մատենագրական բուռն գործունեություն: 1408 թ. տեղափոխվել է Մեծոփավանք և այնտեղ հիմնել գրչութիւն բարձր տիպի դպրոց: 1409 թ. Երևանի Անանիա առաքյալի անապատում վարդապետական աստիճան է շքնորհել քաջբերունցի իր տասը աշակերտներին: Սրանք, փաստորեն, Գլաձորի համալսարանի վերջին շրջանավարտներն էին, որ վարդապետական աստիճան և դասասելու հրաման ստացան մեծ ռաբունապետ Գրիգոր Տաթևացուց: 1410 թ. Գրիգոր Տաթևացին վերադառնում է Տաթև և այնտեղ էլ մահանում: «Տեղապահ աթոռոյս վարժապետին» նշանակվում է Մխիթար վարդապետը; որն հետո դառնում է ռաբունապետ և ղեկավարում Տաթևի դպրոցը մինչև 1425 թվականը³⁴:

Գրիգոր Տաթևացու աշակերտներից Թովմա Մեծոփեցին ղեկավարել է Մեծոփավանքի բարձր տիպի դպրոցը, Հովհաննես Հերմոնացին՝ Հերմոնի դպրոցը, Կարապետ Խառաբատեցին՝ Խառաբատի դպրոցը, Մխմեն Եղվարդեցին՝ Այրիվանքի, ապա Եղվարդի դպրոցները, Մկրտիչ Օրբելեցը՝ Արգելանի Տեր Հուսիկան ուղու դպրոցը, Հակոբ Ասպիարնկացին՝ Անձղնապատի դպրոցը և այլն: Հովհաննես Հերմոնեցի և Թովմա Մեծոփեցի ռաբունապետները կատարելով իրենց մեծ ռաբունապետի ցանկությունը, 1441 թ. Ամենայն հայոց կաթողիկոսությունը վերահաստատեցին Վաղարշապատ քաղաքի ս. էջմիածնի վանքում:

Այսպիսով, հիմնադրվելով 1282 թ., ներսես Մշեցու շանքերով, Վայոց ձորի Աղբերք վանք-Գլաձորում, հայոց միջնադարյան համալսարանը Ծալի Նշեցու ռաբունապետությամբ գործում է մինչև 1338 թ., Տիրատուր Կիլիկեցու ռաբունապետությամբ Հերմոնի վանքում մինչև 1356 թ., Հովհաննես Որոտնեցու ռաբունապետությամբ Որոտնավանք և Ապրակունյաց վանքում՝ մինչև 1386 թ., Գրիգոր Տաթևացու ռաբունապետությամբ Ապրակունյաց վանքում, ապա Տաթևում՝ մինչև 1410 թ., որպես Գլաձորի, Հերմոնի, Որոտնավանքի, Տաթևի համալսարաններ: Համալսարանը շուրջ հարյուր հիսունամյա գոյություն ընթացքում քույր բարձրագույն դպրոցների և իր սաների դպրոցների ուղեկցությամբ հսկայական գիտական-մանկավարժական, հասարակական-քաղաքական, դավանաբանական, ընդհանուր մշակութային գործունեություն է ծավալել՝ ունենալով զաղափարական, ուսումնական; կաղմակերպչական գործունեության հստակ ծրագիր: Գլաձորի համալսարանում, ինչպես նշվեց, «նորոգեցու զաստիճան վարդապետութեան լուսաւորչացն միւրոց»: Մեսրոպ Մաշտոցը և Սահակ Պարթևը աշակերտներ էին հավաքում, սովորեցնում, լավագույններից վարդապետներ պատրաստում և ուղարկում էին գավառները ուսուցչություն: Գլաձորի համալսարանում (ի տարբերություն նախորդ վարդապետարանների, որ քահանայական կրթությամբ էին ընդունում և հասցնում վարդապետական աստիճանի) երեխաներ էին հավաքագրում, նախ քահանայական, ապա վարդապետական կրթություն էին տալիս և ուղարկում գավառները, որ գավառները շման քառանց վարդապետական ուսման»: Որոտնեցին նույնպես «ժողովէր զհեռաւորս և զմերձաւորս, զորքս և տանրնտանիս, երկնէր և ուսուցանէր, և փառաւոր յաստիճանս նստուցանէր»³⁵: Ծալի Նշեցու միաբարների դեմ պայքարը նրա սաները շարունակում էին իրենց դպրոցներում: Մխիթար Մասնեցին, ռաբունապետի հանձնարարությամբ, ճառեր էր գրում միաբարների դեմ՝ օգտագործելով հենց իրենց միաբարների աշխատությունները: Նույնն էին անում Որոտնեցին և Տաթևացին: Գրիգոր Տաթևացին արտագրում է միաբարների ձեռնարկներից մեկը՝ համապատասխան պայքաբանումներով: Ոմն ընթերցող ձեռնարկի լուսանցքում գրել է. «... Ո Տաթևացի, ո՞չ յերկնչիս յԱստուծոյ խառնելով դթոյնդ անապական գինւոյ, որ սպան՝ ոգիս պարզամտաց» կամ «... Որոտնեցին և Տաթևացին զորոմ յոգնապատիկ սերմանեալ է ի մէջ

³⁴ ԺԺ դ. հիշատակարաններ, էջ 338:

³⁵ Մատենադարան, ձեռ. № 5707, էջ 485բ:

գրգիս»³⁶, Երբ Տաթևացին Սարգիս բարունապետի դպրոցի նոր բարոնապետ է նշանակում Գրիգոր Խլաթեցուն, վերջինս պատասխան նամակում հավաստիացնում է, թե «հեռևիմք անխոտոր պողոտայիդ, աժանդակեմք պատերազմող ոգւոյդ»: Այնուհետև շրջաբերական է ուղարկում ունեորներին, որպիսի օգնեն Մեծոփավանքի դպրոցին, «զի ուրախասցին մանկունք Սուրբ Լուսաւորչին և կարճասցի լեզու հերձուածողացն դասու»³⁷:

Միջնադարյան Հայաստանում թաթար-մոնղոլական, լենկթեմուրյան, այլևայլ ցեղերի ու բռնակալությունների պատերազմների, ավերածությունների, դավանարանական նկրտումների պայմաններում հայոց համալսարանի հարյուր հիսունամյա գոյությունը հերոսութուն էր, հայ ժողովրդի կենսունակության, հայ մտավորականության՝ եկեղեցու և մշակույթի գործիչների ու նորանց հովանավորների՝ հայրենիքի և ժողովրդի նկատմամբ ունեցած անսաման սիրո և նվիրվածության արտահայտություն, որի համար հիմնական զենքը մայրենի լեզուն ու գիրն էր, հայոց դպրությունը, նախնիների ավանդներին հավատարմությունը:

АРМЯНСКИЙ СРЕДНЕВЕКОВЫЙ УНИВЕРСИТЕТ

АРТАШЕС МАТЕВОСЯН

Резюме

Новейшие данные, почерпнутые из памятных записей рукописей, показывают, что Гладзорский университет, основанный в 1282 г. в Вайоц Дзоре, продолжал действовать там до 1338 г., до смерти его ректора Есаи Нчеци. Затем университет переместился в монастырь Ермон, где он был возглавлен учеником Есаи Нчеци, вторым ректором—Тиратуром Киликеци. В 1356 г. назначается новый ректор—Ован Воротнеци, который переносит университет в свой родной край—Воротнаванк, где деятельность университета продолжалась до 1384 г., когда Ован Воротнеци, спасаясь от преследований, перебирается в Ериджак, в монастырь Апрахунац. В 1386 г. Ован Воротнеци умирает, завещая Григору Татеваци возглавить университет, основанный «великим ректором—Есаи Нчеци». Григор Татеваци переносит университет в Татев и руководит им до 1410 г. После его смерти университет возглавляет вардепат Мхитар (до 1425 г.).

Таким образом, армянский средневековый университет просуществовал около 150 лет—с конца XIII в. до первой половины XV в. Своей обширной просветительской и научно-культурной деятельностью он сыграл значительную роль в армянской действительности.

³⁶ Նույն տեղում, ձև. № 4619, էջ 47ա, 62բ:

³⁷ Ս. Մարտիրոսյան, Գրիգոր Խլաթեցու նամակները (ՀՍՍՀ ԳԱ «Լրաբեր», 1978, № 5, էջ